

■ REGENZA

Adina dapli immigrants era tar nus

(anr/gc) Sin ina dumonda correspundenta ha cuss. gov. Christian Rathgeb confermà ier – tar il davos inscunter dal govern cun ils repeschentants da las medias per quest onn – ch’il dumber d’immigrants da l’exteriur en Svizra creschia considerablament – ed era per il Grischun. Quels vegnan l’emprim registrads dals centers federals da migraziun ed alur repartgids sin ils chantuns. Al Grischun tutgia i da surpigliar mintgamai 2,7% da tuts. Perquai stoppia la regenza endrizzar l’onn proxim ulteriurs centers da transit. Nua che tals vegnan realisads n’han ins anc betg pudì dir.

Ina sentenza che ha trumpà fitg

Bler da discurre ha era la sentenza da la dretgira administrativa chantunala pertutgant il recurs da la vischnanca burgaisa, resp. la societad da burgais da Glion dà. Quella è vegnida communitgada da curt. Il tribunal numnà ha sancziunà – ord raschuns furmalas – il recurs da l’an-

teriura vischnanca burgaisa da Glion, resp. da la societad da burgais. Davart la dumonda da lubir da dar u prender ora la facultad da la vischnanca burgaisa/societad burgaisa – sco vegnì decedì da l’anteriura vischnanca burgaisa da Glion – na s’exprima il tribunal dentant betg giuridicament.

La regenza è fitg trumpada da questa sentenza. Sin quella hajan ins stuì spitzgar ditg ed ella na cuntentia tuttavia betg. Il govern aveva intervegnì e scumandà a ses temp a la vischnanca burgaisa da surdar sia facultad ad ina societad burgaisa. Quai saja be lubi sch’igl existia en ina vischnanca politica fusiunada nagina vischnanca burgaisa pli. Quai è dentant betg il cas tar Glion. Là datti dapi la vischnanca fusiunada 2014 ina nova vischnanca burgaisa.

Schebain la regenza traja vinavant quella decisiun al tribunal federal n’ha ella anc betg decedì. Temp latiers ha ella mintgac.